

圖注八十一難經辨真

圖註八十一難經辨真卷之四

盧國 秦越人 述

四明 張世賢 註

五十八難

五十八難曰。傷寒有幾。其脉有變。不然。傷寒有五。有中風。有傷寒。有濕溫。有熱病。有溫病。其所苦各不同。

風邪所中。其病惡風。是謂中風。嚴冬之時。爲寒所冒。卽時發。熱而惡寒。是謂傷寒。當傷於濕。因而中暑。風熱相薄。陰而爲病。一身盡痛。是謂濕溫。冬傷于寒。至夏方發。熱而惡寒。頭痛身疼。是謂熱病。年分寒溫失時。人感不正之氣。病則無分長少。一槩相似。是謂溫病。俗謂天行是也。病之所苦。有此五

者之不  
同也。

中風之脉。陽浮而滑。陰濡而弱。濕溫之脉。陽濡而弱。陰小而急。傷寒之脉。陰陽俱甚而緊瀼。熱病之脉。陰陽俱浮。浮之而滑。沉之散瀼。溫病之脉。行在諸經。不知何經之動也。各隨其經所在而取之。

風之中人。自外而入。肌肉之上。陽脉所行。輕手按之。狀若太過。肌肉之下。陰脉所行。按之不足。謂之濡弱。此乃按之不足。舉之有餘。故知中風也。濕溫之脉。陽濡而弱者。陰盛陽虛也。陰小而急者。陰氣甚也。傷寒之脉。尺寸俱盛。因寒而熱。故見緊瀼。熱病之脉。尺寸俱浮。浮則輕手取之。滑者。熱脉也。沉則重手取之。散瀼者。津液少也。溫病之脉。蓋由不正之氣。散行諸經。難別何經所受。必審其病之屬。

于何經而後  
可以施治也

傷寒有汗出而愈下之而死者有汗出而死下之而  
愈者何也然陽虛陰盛汗出而愈下之即死陽盛陰  
虛汗出而死下之而愈

陽虛陰盛表病裏和也表病宜汗故汗出而病愈  
錯下之即死也陰虛陽盛裏病表和也裏病宜下  
故下之而病愈錯汗之即死也如此  
死者粗工不明表裏而醫殺之耳

寒熱之病候之如何也然皮寒熱者皮不可近席毛  
髮焦鼻稿不得汗肌寒熱者皮膚痛唇舌稿無汗骨  
發寒熱者病無所安汗注不休齒本稿痛

寒熱者。謂晚寒旦熱也。肺主皮毛。開竅於鼻。肺受邪。則皮痛而不可近。席真邪交戰。故寒熱往來。毛髮焦而鼻枯槁也。汗從毛孔而出。邪居之。則閉而無汗矣。脾主肌肉。開竅於口。脾受邪。則脾氣不運。而皮膚作痛。津液不能溫於肉理。以營唇口。故唇舌乾燥而汗不出也。骨屬腎。腎主液。骨發寒熱。則身不得安。腎液外泄。故汗注不止。是則內無所養。齒根槁而疼痛矣。

# 五十八難傷寒有五圖




虛陰 盛陽 盛陰 虛陽  
 下之而愈 汗出而死 下之而死 汗出而愈

五十九難

五十九難曰。狂癲之病。何以別之。然狂之始發。少臥而不饑。自高賢也。自辯智也。自貴倨也。妄笑好歌樂。妄行不休是也。癲病始發。意不樂。直視僵仆。其脉三部陰陽俱盛是也。

經曰。重陽者狂。重陰者癲。狂病屬陽。癲病屬陰。陽主動。陰主靜。不饑邪在內也。居傲不友也。僵仆。不能立而顛倒也。三部寸關尺也。關前為陽。關後為陰。陰陽二部。狂則皆見陽脉。癲則皆見陰脉也。

# 五十九難狂癲病圖






六十難

六十難曰。頭心之病。有厥痛。有真痛。何謂也。然手三陽之脉。受風寒。伏留而不去者。則名厥頭痛。入連在腦者。名真頭痛。其五藏氣相干。名厥心痛。其痛甚。但在心。手足青者。即名真心痛。其真心痛者。旦發夕死。夕發旦死。

厥者。逆也。真者。無他雜也。手之三陽。從手至頭。風寒客於頭。則壅逆而不得流通。所以作痛。謂之厥頭痛。厥頭痛。有六種。頭痛而若腫起而煩心。一也。頭脉痛。心悲善泣。二也。真真頭痛。重而痛。三也。頭痛意善忘。按之不得。四也。項先痛。腰脊為應。五也。耳前後脉湧有熱。六也。靈樞言之詳矣。腦為髓海。風

寒之氣入於泥丸宮而達於腦謂之眞頭痛也。心者君上之官統攝一身若各經受邪而逆則相干而痛謂之厥心痛。即靈樞所云與背相控善瘕如從後觸其心僂僂者腎心痛也。痛如錐針刺其心痛甚者脾心痛也。色蒼蒼如死狀終日不得大息肝心痛也。臥若徒居心間動作痛益甚。色不變肺心痛也。此乃五臟之氣相干而痛外一種名胃心痛。腹脹胃滿心尤痛甚是也。其痛異常不係各臟相干手足青者卽名眞心痛且夕卽早晚也。言死之速也。死期之速如此其不可治也。明矣。眞頭痛亦死不治。今止言眞心而不及眞頭者脫簡也。

# 十六難頭心病之圖



# 六十一難

六十一難曰。經言望而知之謂之神。聞而知之謂之聖。問而知之謂之工。切脉而知之謂之巧。何謂也。然望而知之者。望見其五色。以知其病。聞而知之者。聞其五音。以別其病。問而知之者。問其所欲五味。以知其病所起所在。切脉而知之者。診其寸口。視其虛實。以知其病在何藏府也。

難而易者謂之巧。得其精者謂之工。大而化之之謂聖。聖而不可知之之謂神。神則望之。即知。不必問。問切也。聖則望聞而知。工則望聞且問。不必切。此巧則切脉。必兼望聞問之三者。而後知病之的。

也五色青黃赤白黑也五音呼歌言哭呻也五味  
酸甘苦辛鹹也所在者見病之經也所起者始病  
以經也如心病因中風而得心  
病為所在而中風為所起也

經言以表知之外以內知之內此之謂也

復引經文之言以結上文之意也外者有症見於  
外而明視驗也內者內有病而未見外也外則顯  
而易知內則隱而難見症見於外而知其內病者  
謂之聖病在於內外無可驗而能知之者謂之神



六十二難

六十二難曰。藏并榮有五。府獨有六者。何謂也。然府者。陽也。三焦行於諸陽。故置一膈名曰原。所以府有六者。亦與三焦共一氣也。

五者并榮。膈經合也。六者并榮。而原經合也。三焦主持諸氣。故六膈之經多一膈。而名之爲原。所以膈有六者。六膈之氣與三焦之氣同一陽也。

圖榮井府藏難二十六





六十三難

六十三難曰。十變言五藏六府榮合。皆以井爲始者。何謂也。然井者東方春也。萬物之始生。諸岐行喘息。蛸飛蠕動。當生之物。莫不以春生故。歲數始於春。月數始於甲。故以井爲始也。

萬物初生。皆由於春。春則蟄蟲始振。所以岐蟲行。喘息。息。蛸井中蟲也。蛸蟲飛蠕動。四時春爲之始。甲乙木也。正月與甲乙皆屬於春。故十二箇月之始。則在甲。非月建甲也。或以月作日者。非也。一身之穴。井爲之始。井者始氣初行。故春以井穴相同也。

# 三十六難井始之圖



六十四難

六十四難曰。十變又言陰井木。陽井金。陰榮火。陽榮水。陰腧土。陽腧木。陰經金。陽經火。陰合水。陽合土。陰陽皆不同。其意何也。然是剛柔之事也。陰井乙木。陽井庚金。陽井庚者。乙之剛也。陰井乙者。庚之柔也。乙爲木。故言陰井木也。庚爲金。故言陽井金也。餘皆倣此。

陰陽者。陰經陽經也。井榮腧經合。在陽經爲剛。在陰經爲柔也。陰井木。陽井金。庚金爲剛。乙木爲柔。乙與庚合。陰榮火。陽榮水。上水爲剛。下火爲柔。丁與壬合。陽腧木。陰腧土。甲木爲剛。己土爲柔。甲與

巳合陰經金。陽經火。丙火爲剛。辛金爲柔。丙與辛  
合。陰合水。陽合土。戊土爲剛。癸水爲柔。戊與癸合。  
故大言陰與陽。小言夫與婦。夫婦者。十干配合是也。

# 六十四難井榮配合圖



從其類	柔配合各	合陽剛陰	陰合配陽	經配陽經	配陽腧陰	陽榮陰腧	井陰榮配	陰井配陽
-----	------	------	------	------	------	------	------	------

醫經

卷四

十

一四十五


# 六十五難

六十五難曰。經言所出爲井。所入爲合。其法奈何。然所出爲井。井者。東方春也。萬物始生。故言所出爲井。所入爲合。合者。北方冬也。陽氣入藏。故言所入爲合也。

井者。出泉之處。消消不絕而無有餘不足也。合者。聚會之處。如水歸海。從淺以入深也。東方乃四方之始。春乃四時之始。井乃榮膈經合之始。故曰井者。東方春也。萬物當春而始生。經水始出。所以謂之井也。北方乃四方之終。冬乃四時之終。合乃井榮膈經之終。故曰合者。北方冬也。陽氣於冬而伏藏。經水所入。所以謂之合也。潔古云。所出爲井。似寅寅之初。氣之始。陽氣尚弱。所入爲合。陽氣入藏。

能隨陰而入。故經言呼  
者同陽出。吸者隨陰入。

六十難出入井合圖





六十六難

六十六難曰。經言肺之原出於太淵。心之原出於太陵。肝之原出於太衝。脾之原出於太白。腎之原出於太谿。少陰之原出於兌骨。膽之原出於丘墟。胃之原出於衝陽。三焦之原出於陽池。膀胱之原出於京骨。大腸之原出於合谷。小腸之原出於腕骨。十二經皆以腧爲原者。何也。然五藏腧者。三焦之所行氣之所留止也。三焦所行之腧爲原者。何也。然臍下腎間動氣者。人之生命也。十二經之根本也。故名曰原。三焦

者。原氣之別使也。主通行三氣。經歷於五藏六府。原者。三焦之尊號也。故所止輒爲原。五藏六府之有病者。皆取其原也。

太淵在掌後橫文頭陷中。是脉之大會。手太陰之脉動也。太陵在掌後兩筋間陷中。太衝在足大指末節後二寸。太白在足內側核骨下陷中。太谿在足內踝後跟骨上動脉陷中。充骨在手掌後兌骨端陷中。一名神門。乃少陰真心經也。太陵心包絡脉之原。凡心病皆在包絡。或各臟相干。真心不病。病則死。真心故不施治。今亦有治法者。外經之病也。丘墟在足外踝微前陷中。衝陽在足跗上。去陷谷三寸。京骨在足外側大骨下。赤白肉際陷中。合谷在手大指次指岐骨間陷中。腕骨在手小指外側。腕前起骨下陷中。十二經之腧。三焦由此腧以行氣。三焦由此腧以流止也。三焦所行氣之腧而

爲原者。由臍下腎間動氣爲人生命。手足三陰三陽之根本。三焦資始於腎間。故名爲原。三焦乃原氣之別使。生通行上中下焦之氣。下焦稟原氣。原氣者。卽眞元之氣也。上達至於中焦。主受五臟六腑水穀精悍之氣。化而爲榮衛。榮衛之氣得眞元之氣相合。主氣通行達於上焦。始經歷乎五臟六腑。原者非三焦之實名。乃三焦之尊號也。故以三焦所留止之處。標以爲原。若五臟六腑之有病皆取其原穴以治之。正所謂治病必求其本也。

# 六十六難經二十經穴圖



三焦者原氣之別使主通行三焦經歷五藏六府原者三焦之尊號故所止輒為原五藏六府之有病者皆取其原也


六十七難

六十七難曰五藏募皆在陰。腧皆在陽。若何謂也。然陰病行陽。陽病行陰。故令募在陰。腧在陽也。

腹屬陰。五臟之募皆在腹。背屬陽。五臟之腧皆在背。肺之募曰中府。中府二穴在雲門下一寸。乳上三肋間。動脈應手陷中。心之募曰巨闕。巨闕一穴在鳩尾下一寸。脾之募曰章門。章門二穴在大橫外直臍季肋端。肝之募曰期門。期門二穴在不容旁一寸五分。直兩乳第二肋端。腎之募在京門。京門在監骨腰中。季肋俠脊。肺腧二穴在三椎下兩旁。心腧二穴在五椎下兩旁。肝腧二穴在九椎下兩旁。脾腧二穴在十一椎下兩旁。腎腧二穴在十四椎下兩旁。俱俠脊各去一寸五分。此募腧之所。在也。陰病行陽。乃風寒之邪外入。在人之背。陽病行陰。是水穀之寒熱感則害人六腑。傳於五藏。故

令募穴皆在於腹。腧穴皆在背也。陰病行陽當從陽引陰其治在腧。陽病行陰當從陰引陽其治在募。

六十七難陰募陽腧圖



六十八難

六十八難曰。五藏六府各有井榮腧經合。皆何所主。然經言所出爲井。所流爲榮。所注爲腧。所行爲經。所入爲合。井主心下滿。榮主身熱。腧主體重節痛。經主喘咳寒熱。合主逆氣而泄。此五藏六府其井榮腧經合所主病也。

肝井大敦。榮行間。腧太衝。經中封。合曲泉。肺井少商。榮魚際。腧太淵。經經渠。合尺澤。心井少衝。榮少府。腧神門。經靈道。合少海。腎井湧泉。榮然谷。腧太谿。經復溜。合陰谷。脾井隱白。榮大都。腧太白。經商丘。合陰陵泉。心包絡井中衝。榮勞宮。腧太陵。經間使。合曲澤。此五藏各有井榮腧經合也。膽井竅陰。



榮俠谿。踰臨泣。原丘墟。經陽輔。合陽陵泉。大腸井。  
商陽榮。二間。踰三間。原合谷。經陽谿。合曲池。小腸  
井。少澤。榮前谷。踰後谿。原腕骨。經陽谷。合小海。胃  
井。厲兌。榮內庭。踰陷谷。原衝陽。經解谿。合三里。勝  
臑井。至陰。榮通谷。踰束骨。原京骨。經崑崙。合委中。  
三焦井。關衝。榮液門。踰中渚。原陽池。經支溝。合天  
井。此六府各有井。榮。踰。經。合。也。府則多一原穴。紀  
氏曰。井者。若水之源。水始出。其源流之尚微。故謂  
之榮。水上而注下。下復承而流之。故謂之踰。水行  
經歷而過。故謂之經。經過於此。乃入於臟腑。與衆  
經相會。故謂之合。素問云。六經爲川。腸胃爲海也。  
肺范曰。井法木以應肝。脾位在心下。今邪在肝。肝  
侵脾。故心下滿。今治之於井。不令木乘土也。榮法  
火以應心。肺屬金。外主皮毛。心火灼乎肺。金故身  
熱。謂邪在心也。故治之於榮。不令火之乘金。則身  
熱必愈矣。踰法土應脾。今邪在土。土必刑水。水者  
腎。腎主骨。故病則節痛。邪在土。土自病。則體重。宜  
治。爲穴。經法金應肺。今邪在肺。得寒則咳。得熱則

喘金邪必致尅木木者肝肝在志爲怒怒則氣逆  
亦能作喘治之於經則金不則木矣合法水應腎  
腎氣不足傷於衝脈則氣逆腎間竅於二陰  
氣逆則不禁而下泄故氣逆而泄合上之也

# 圖病主穴五難八十六



六十九難

六十九難曰經言虛者補之實者瀉之不虛不實以經取之何謂也然虛者補其母實者瀉其子當先補之然後瀉之不實不虛以經取之者是正經自生病不中他邪也當自取其經故言以經取之

十二經中各有井榮腧經合配象五行子母母子生我者也子我生者也母能令子虛虛則補其母子能令母實實則瀉其子假令肝自病得肝脈善潔面青善怒其脈實強則瀉膽經火穴陽火乃木之子也脈虛微則補勝肺經水穴水乃木之母也餘倣此假令善潔面青口乾喜笑瀉少陽之火有之實者亦有之當先補其不足後瀉其有餘若本經自病不中他經其真氣未虛邪氣未盛當以本邪

金木水火土  
時而取之也

圖子瀉母補難九十六

者虛者實

補其母

瀉其子

虛不實不

以經取之

七十難

七十難曰。經言春夏刺淺。秋冬刺深者。何謂也。然春夏者。陽氣在上。人氣亦在上。故當淺取之。秋冬者。陽氣在下。人氣亦在下。故當深取之。

此言四時用針之不同也。針以得氣為主。氣在上。則用針淺。氣在下。則用針深矣。


春夏各致一陰。秋冬各致一陽者。何謂也。然春夏溫。必致一陰者。初下針。沉之至腎肝之部。得氣引持之。陰也。秋冬寒。必致一陽者。初內針。淺而浮之。至心肺之部。得氣推而內之。陽也。是謂春夏必致一陰。秋冬

必致一陽。

致。備也。春夏之時。其令溫。初下針。卽至腎肝之部。  
候針得氣。乃引針持至心肺之部。使陰氣以和於  
陽。此謂春夏必致一陰也。秋冬之時。其令寒。初內  
針。淺而浮之。於心肺之部。候針得氣。推針而內。至  
腎肝之部。使陽氣以和於陰。此謂秋冬必致一陽  
也。內之。肝肉。謂之肝部。肌肉上屬心肺而爲陽。肌  
肉下屬肝腎而爲陰。陽下之。  
則爲補。陰上之。則爲瀉矣。



# 十七難刺分四時之圖



七十一難

七十一難曰。經言刺榮無傷衛。刺衛無傷榮。何謂也。然鍼陽者。臥鍼而刺之。刺陰者。先以左手攝按所鍼榮。臑之處。氣散乃內鍼。是謂刺榮無傷衛。刺衛無傷榮也。

榮爲陰而行於脉中。衛爲陽而行於脉外。榮衛有內外之方。用針施淺深之治。陽衛在外。則刺當淺。深則有傷榮矣。淺之欲得其法。必臥其針而刺之。陰榮在內。則當刺深。淺則非其部分。而且傷衛矣。深之欲得其法。必先以左手攝按所針之穴。以散其氣。而後內其針。夫如是。刺榮刺衛。各得其宜。而不相傷矣。

圖之衛營刺難一十七

針	內	乃	散	氣
	刺	營	傷	無
	無	傷	衛	陣
臥	鍼	而	刺	之

# 七十二難

七十二難曰。經言能知迎隨之氣。可令調之。調氣之方。必在陰陽。何謂也。然所謂迎隨者。知榮衛之流行。經脉之往來也。隨其逆順而取之。故曰迎隨。調氣之方。必在陰陽者。知其內外表裏。隨其陰陽而調之。故曰調氣之方。必在乎陰陽。

手足三陽。手走頭而頭走足。手足三陰。足走胷而胷走手。此乃經脉往來定規。凡欲瀉者。用針芒朝其經脉所來之處。迎其氣之方。來未盛。乃逆針以奪其氣。是謂之迎。凡欲補者。用針芒朝其經脉所去之路。隨其氣之方。去未虛。乃順針以濟其氣。是謂之隨。迎隨之施。將以調氣而設。調氣之術。必在

知其病之在陰在陽隨其陰陽虛實而施迎隨補  
瀉以調其氣焉。內裏爲陰。外表爲陽。內有表裏。外  
亦有表裏也。古人有曰。表之表裏之裏。正此意也。  
陽虛陰實則瀉其陰而補其陽。陽實陰虛則瀉其  
陽而補其陰。隨其陰陽而調之也。


# 圖隨迎脉經難二十七

手足三陽經

隨病在陰  
在陽而用

針以謂之

手足三陰經



七十三難

七十三難曰。諸井者。肌肉淺薄。氣少不足使也。刺之奈何。然諸井者。木也。榮者。火也。火者。木之子。當刺者。以榮瀉之。故經云。補者。不可以爲瀉。瀉者。不可以爲補。此之謂也。

井爲木。是火之母。榮爲火。是木之子。假令腎實。當瀉井木。而井木在手足指梢。肌肉淺薄。血氣尚少。不足以施治。於是瀉火以易之。瀉子則母虛。井雖不瀉。氣亦虛焉。苟或舍榮而刺脰。則土虛不能制水。而腎邪愈甚矣。刺經則金生水。而腎反實。故不刺井。止可瀉之以榮。故經言。補者。不可以爲瀉。瀉者。不可以爲補。正此之謂歟。

# 圖榮瀉井刺難三十七



可為補	瀉者不	可為瀉	補者不
-----	-----	-----	-----



七十四難

七十四難曰。經言春刺井。夏刺榮。季夏刺腧。秋刺經。冬刺合者。何也。然春刺井者。邪在肝。夏刺榮者。邪在心。季夏刺腧者。邪在脾。秋刺經者。邪在肺。冬刺合者。邪在腎。其肝心脾肺腎而繫於春夏秋冬者。何也。然五藏一病。輒有五也。假令肝病。色青者。肝也。臊臭者。肝也。喜酸者。肝也。喜呼者。肝也。喜泣者。肝也。其病衆多。不可盡言也。四時有數。而並繫於春夏秋冬者也。針之要妙在於秋毫者也。


井屬木。春王。肝木而應井。肝木有邪。井能主之。春  
刺井以除肝邪。恐木尅土也。榮屬火。夏王。心火而  
應榮。心火有邪。榮能主之。夏刺榮以除心邪。恐火  
尅金也。膈屬土。季夏王。脾土而應膈。脾土有邪。膈  
能主之。季夏刺膈以除脾邪。恐土尅水也。經屬金。  
秋王。肺金而應經。肺金有邪。經能主之。秋刺經以  
除肺邪。恐金尅木也。合屬水。冬王。腎水而應合。腎  
水有邪。合能主之。冬刺合以除腎邪。恐水尅火也。  
五臟繫於四時。一臟有病。輒有聲色臭味液之五  
者。其病衆多。言莫能盡。四時有一定之數。而井榮  
膈經合之穴。並繫春夏秋也。故春不止刺井。夏不  
止刺榮。季夏不止刺膈。秋不止刺經。冬不止刺合  
也。而針要妙之法。若秋毫之精微。而  
不可忽也。未結二句。乃引證之言。

# 圖刺而時因難四十七

圖言刺難

卷四

五



四

# 七十五難

七十五難曰。經言東方實。西方虛。瀉南方。補北方。何謂也。然金木水火土。當更相平。東方木也。西方金也。木欲實。金當平之。火欲實。水當平之。土欲實。木當平之。金欲實。火當平之。水欲實。土當平之。東方者。肝也。則知肝實。西方者。肺也。則知肺虛。瀉南方火。補北方水。南方火。火者。木之子也。北方水。水者。木之母也。水勝火。子能令母實。母能令子虛。故瀉火補水。欲令金不得平木也。經曰。不能治其虛。何問其餘。此之謂也。

更互也。平者去其有餘也。金木水火土當互相平。否則虛實見焉。五行勝者常制不勝。不勝者實欲所勝者。則當平之。東方肝實。西方肺虛。是金虛不能平木之有餘也。於是瀉南方之火。補北方之水。子能令母實。母能令子虛。二句俱兼致病治病而言。母能令子虛。土為金之母。土受木尅。不能生金。是致病也。水為木之母。補水則能勝火。火勢退而木勢平。是治病也。子能令母實。火為木之子。子助其母。使母過分而為病。是致病也。水為金之子。補子。則子不殘。食於母。金無不足之患。是治病也。經文言火者木之子。不言水者金之子。子能令母實。一句止言得治病一邊。大抵經文多舉一隅為例。學者當以三隅反。其實多兼致病治病而言。瀉其火。補其水。欲令金不虛而木不實。木既不實。則金無木之實可平矣。金虛而木實。其要惟在瀉火補水而已。苟或不得治虛之要。何必更問其餘施治之法。焉治病之微如此。故越人復引經以結之。

# 七十五難補水瀉火圖



七十六難


七十六難曰。何謂補瀉。當補之時。何所取氣。當瀉之時。何所置氣。然當補之時。從衛取氣。當瀉之時。從榮置氣。其陽氣不足。陰氣有餘。當先補其陽。而後瀉其陰。陰氣不足。陽氣有餘。當先補其陰。而後瀉其陽。榮衛通行。此其要也。

病有虛實之分。針有補瀉之異。夫榮行脉中。衛行脉外。衛淺而榮深也。補則自淺取氣。得氣乃推內針。於所虛之處。是謂之從衛取氣。瀉則深內其針。徑至所實之分。得氣引針泄之。是謂從榮置氣。此實則瀉之。虛則補之之法也。假令陽氣不足。陰氣有餘。當先補其不足之陽。而後瀉其有餘之陰。使

其陽不虛而陰不實也。陰氣不足。陽氣有餘。當先  
補其不足之陰。而後瀉其有餘之陽。使其陰不虛  
而陽不實也。凡治一病而各經虛實不等。而用針  
者。該補該瀉。須先補不足。而後瀉有餘。於是榮衛  
流通。而疾無不愈矣。此乃持針  
之要妙。勿先其瀉。而後其補也。



# 七十六難陰陽補瀉圖



七十七難

七十七難曰。經言上工治未病。中工治已病者。何謂也。然所謂治未病者。見肝之病。則知肝當傳之與脾。故先實其脾氣。無令得受肝之邪也。故曰治未病焉。中工治已病者。見肝之病。不曉相傳。但一心治肝。故曰治已病也。

上工中工。解見十三難。肝病傳脾。傳所勝也。詳見五十三難。上工有萬舉萬全之功。由其能治未病也。

圖病治工中工上難七十七

<p>中工 治已病</p>	<p>上工 治未病</p>
<p>見肝之病不曉相傳但一心治肝</p>	<p>見肝之病知肝當傳脾先實脾氣無令得受肝邪</p>

七十八難

七十八難曰。鍼有補瀉。何謂也。然補瀉之法。非必呼  
吸出內。鍼也。

用鍼之法。有補有瀉。補者呼內。吸出。瀉者吸內。呼  
出。補瀉之法。非必呼吸出內。鍼而已。其要在於得  
一氣。出內之微。  
餘見下文。

然知爲鍼者。信其左。不知爲鍼者。信其右。當刺之時。  
必先以左手厭按所鍼之處。彈而努之。爪而下之。其  
氣之來。如動脈之狀。順鍼而刺之。得氣。推而內之。是  
謂補。動而伸之。是謂瀉。不得氣。乃與男外女內。不得

氣。是謂十死不治也。

善鍼者左手厭按所鍼之處。病者肌肉厚薄筋骨  
緩急。孔穴真偽。了然於左手指下。後用右手內鍼。  
悉憑左手之厭按。不待右手鍼入而始知。不知爲  
鍼者。不以左手厭按。右手妄亂投鍼。候鍼入於內。  
而始知孔穴之是否。當鍼之時。必先以左手厭按。  
所鍼之處。以右手彈之。使脉氣臌滿。厭按之處。爪  
而下之。欲置針準其氣之來。應於左手之下。若動  
脉形狀。然後刺鍼。而刺之待氣應於鍼。因而推之。  
該至之分。此謂之補。若得氣便搖動而伸提。此謂  
之瀉。若久留鍼而氣不至。則浮鍼於膚。分留之以  
待其氣。久不至。又沉內於營分。久留待氣。如其二  
處候氣不應於鍼。爲陰陽俱盡不治。十死無一可  
生也。潔古云。男外絕而心肺死。女內絕而腎肝死。  
浮不得氣者。經云沉不得氣者。絡死。此謂氣血俱  
絕。內外皆死也。愚按。男外女內。即陽外陰內也。勿  
作人之男女看。苟是人之男女。氣不至者。不可治。

沉以候之也。男子止候於外。  
女子止候於內。此說未通。

圖 瀉 補 鍼 用 難 八 十 七

當刺之時

先以左手按厭

彈而努之

爪而下之

其氣之來如動

如順鍼而刺之

得氣推而內之是謂補

得氣動而伸之是謂瀉

七十九難

七十九難曰。經言迎而奪之。安得無虛。隨而濟之。安得無實。虛之與實。若得若失。實之與虛。若有若無。何謂也。


虛之與實。靈樞曰。爲虛爲實。實之與虛。靈樞曰。言實與虛。此與靈樞辭雖不同。而意則一也。靈樞小鍼解曰。爲虛與實。若得若失者。言補者。必然若有得也。瀉者。恍然若有所失也。言實與虛。若有若無者。言實者。有氣。虛者。無氣也。

然迎而奪之者。瀉其子也。隨而濟之者。補其母也。假令心病。瀉乎心主膻。是謂迎而奪之者也。補乎心主



井。是謂隨而濟之者也。所謂實之與虛者。濡牢之意也。氣來實牢者爲得。濡虛者爲失。故曰若得若失也。  
假令心病。心屬火。手心生榮。亦火也。榮是心之本穴。膈屬土。而爲火之子。心實則爲心主。膈穴太陵。是謂迎於前而奪之也。心虛則補心主。井穴中衝。是謂隨於後而濟之也。牢。卽實也。濡。卽虛也。故曰實之與虛。濡牢之意。氣來實牢者爲得。濡虛者爲失。亦合小鍼解意識。所謂于聖一心。萬古一理。

# 七十九難迎隨補瀉圖



心屬火假令心  
 病卽以心經火  
 穴為本身虛則  
 隨而濟之以補  
 其母木穴實則  
 迎而奪之以瀉  
 其子土穴各臟  
 倣此此乃本經  
 病之刺法也

八十難

八十難曰。經言有見如入。有見如出者。何謂也。然厥謂有見如入者。謂左手見氣來至。乃內鍼。鍼入見氣盡。乃出鍼。是謂有見如入。有見如出也。

用鍼之妙。隨氣而施。凡欲內鍼。必先以左手厭按所鍼之處。彈而努之。爪而下之。使其該刺之所氣至。若動脈之狀。於是始內其鍼。候其氣盡而後出。鍼氣盡者。卽靈樞所謂已補而實。已瀉而虛之旨也。此字卽而字。見說文。

十八難出內鍼圖

有見如

入

氣至乃內鍼

用鍼之妙

隨氣而施

出

氣盡乃出鍼

八十一難

八十一難曰。經言無實實。無虛虛。損不足而益有餘。是寸口脉耶。將病自有虛實也。其損益奈何。然是病。非謂寸口脉也。謂病自有虛實也。假令肝實而肺虛。肝者木也。肺者金也。金木當更相平。當知金平木。假令肺實。故知肝虛。微少氣。用鍼不補其肝。而反重實其肺。故曰實實虛虛。損不足而益有餘。此者中工之所害也。

治病之法。以平爲期。虛者補之。實者瀉之。不足者益之。有餘者損之。假令肝實而肺虛。則知金當平。

木。今反不補所虛之肝。而補所實之肺。此所謂實其  
實。虛其虛。不足者愈損。有餘者愈益。如此者。中  
工。居之也。  
可不慎哉。

圖瀉補施反難一十八

肝虛

虛虛損不足

肝

心

用鍼者

中工所害

肺實

實實益有餘

海

心